



## Sakspapir

| Saksbehandler        | Arkiv              | ArkivsakID |
|----------------------|--------------------|------------|
| Nadine Gutte-Preusse | FE - 231, FA - H09 | 18/415     |

| Saksnr | Utvalg        | Type | Dato       |
|--------|---------------|------|------------|
| 095/18 | Formannskapet | PS   | 16.10.2018 |
|        | Kommunestyret | PS   |            |

### Skjønnsmessig frådrag

#### Saksutgreiing:

##### Bakgrunn

Å flytte frå eigen bustad til institusjon kan vere ei stor økonomisk og psykisk påkjenning for vedkommande. I nokre tilfelle kan det vere rimeleg å gje skjønsmessig frådrag for buutgifter. Kommunen kan i tråd med Forskrift om eigenandel for kommunale helse- og omsorgstenester § 5 fjerde ledd gje skjønsmessig frådrag for buutgifter, avdrag på lån, underskot i næring eller liknande. Kommunen må då foreta ei konkret vurdering av den enkelte sin totale økonomiske situasjon når det gjeld kva for og kor store frådrag som kan gjerast ut over dei lovfesta frådagsrettane.

For å ha ein felles forståing og handtering av skjønsmessig frådrag for buutgifter kan det vere til fordel å ha eit dokument eller kommunal forskrift som tar generell stilling til kva kommunen tel under buutgifter og over kva for tidsrom ein skal gje frådrag.

##### Vurdering

§ 1, 4, 5 og 6 er grunnleggande paragrafar som er fastsatt i Forskrift om eigenandel for kommunale helse- og omsorgsteneste. Desse er berre forenkla gjengjeve.

§ 2 og 3 behandlar sjølve skjønsmessig frådrag for buutgifter. Her er det tatt ei drøfting om kva som er buutgifter og kva som er hensiktsmessig med omsyn til lengde for å gje frådrag. Det er ulik praksis på kor lenge ein gjev frådrag. Nokre kommunar gjev berre i tre månader, nokre gjev i seks. Andre har lik praksis som det me meiner er hensiktsmessig og foreslår, nemleg å gje frådrag etter inntekt, der dei med inntekt under 1G får frådrag for ein lengre periode.

Det er også ulik praksis på kva som vert sett på som buutgifter. Når ein flytter frå eigen bustad til institusjon er det ofte ikkje noko som er planlagt. Det byr ofte på store økonomiske utfordringar å måtte betale både for institusjonsplass og for eigen bustad. Å flytte til institusjon skal ikkje føre til økonomisk tap. Me meiner at kommunale avgifter, forsikring, oppvarming, husleige og naudsynt vedlikehald må falle under buutgifter, slik at ein har moglegheit til å gjere noko med huset, anten sal eller vidareføring til familien.

##### Konklusjon

Forskrift om vederlag for opphald i institusjon, Fedje kommune

##### § 1. Verkeområde

Personar med opphald i institusjon som betalar vederlag etter forskrift 26. april 1995 nr.392 om vederlag for opphold i institusjon m.v. fastsette av Sosial- & helsedepartementet med



# Fedje kommune

heimel i lov 19.november 1982 nr.66 om helsetenesten i kommunane § 2-3, §6-9 og lov 13.desember 1991 nr.81 om sosiale tenester § 11-2.

## § 2. Frådrag for dokumenterte buutgifter

Av vederlagsforskrifta § 5 fjerde ledd, framgår det at frådrag også kan verte fastsett på grunnlag av kva som er rimeleg ut frå vedkommande si inntekt og andre forhold. Personar med fast plass i institusjon som søker, vert gjeve frådrag for dokumenterte buutgifter i 3 månader for dei med over 1G i inntekt og 6 månader for dei under 1G i inntekt.

## § 3. Buutgifter

Etter § 2 reknast husleige i form av utgifter til samla utgifter eller festeavgift, veg-, vatn- og kloakk- avgifter og anna som kommunale avgifter, oppvarming i form av fyringsolje, parafin eller straum, hus- og innbuforsikring og vanleg husleige og naudsynt vedlikehald som buutgifter.

## § 4. Tidsrom for betaling av vederlag – friperiode – fleire korte opphald

Av vederlagsforskrifta § 6 tredje ledd, framgår det at for bebuarar som har hatt fleire korte opphald kan kommunen krevje vederlag etter vederlagsforskrifta § 3, når vedkommande har vore på institusjon i minst 60 døgn per kalenderår. Bebuarar som får tildelt fast plass i institusjon i Fedje kommune skal ha ein friperioden på ein månad, utan omsyn til om tidlegare opphald er lengre enn 60 dagar per kalenderår.

## § 5. Klage

Enkeltvedtak fatta i medhald av denne forskrifta kan klagast på etter § 28 i Forvaltningslova. Klaga skal fremjast for det organet som har fatta vedtaket. Klagefristen er tre veker frå parten mottok melding om vedtaket.

## § 6. Iverksetting

Forskrifta vert sett i verk frå det tidspunktet ho vert vedteke.

## **Forslag til vedtak:**

Forskrift om vederlag for opphald i institusjon vert vedteke i tråd med saksutgreiinga.

## **Formannskapet - 095/18**

### **F - behandling:**

### **F - vedtak:**

Forskrift om vederlag for opphald i institusjon vert vedteke i tråd med saksutgreiinga.

Samrøystes vedteke.